

Dienelkander



Nuusbrief van die Gereformeerde Kerk Potchefstroom-Oos

1 Oktober 2017

OGGENDDIENS: Ds Piet

Preekreeks: 500 jarige herdenking van die Hervorming/Reformasie op 31 Okt

Ons fokus tans in aanloop tot die 500 jarige herdenking van die Reformasie op die sogenaaamde "Vvf Solas". Dit is Skrifbeginsels wat in die tyd van die Reformasie, die denke van die Hervormers gerig het in hulle verset teen die dwaalleer van die Roomse Kerk van daardie tyd. Die solas is ("sola" beteken alleen):

Sola Sacra Scriptura (Die Heilige Skrif alleen);
Solo Christo (Christus alleen);

Vandag: Sola Fide (Geloof alleen);

15 Okt Sola Gratia (Genade alleen) en

29 Okt Soli Deo Gloria (Alleen die eer van God)

Skriflesing: Romeine 1: 13 - 17 en 3: 21 - 31

Teks: Rom 1: 16 en 17

Tema: God skenk jou sy vryspaak deur ware geloof! Jy kan dit nie verdien nie!

Die Roomse kerk het geleer dat God 'n baie streng God is wat jou sondes straf terwyl jy lewe en ook nog na jou dood in die vasevuur! Die enigste manier wat jy aan hierdie straf van God kon vrykom was om jou sondes voor 'n priester te bely sodat die priester jou namens God kon vryspreek! Daarby moes jy vir jou slechte lewe opmaak deur 'n baie goeie lewe te lei en goeie dade te doen. As jy sekere voorgeskrewe dinge doen kan jy God se vergifnis verdien!

Martin Luther het baie met hierdie siening in sy eie geloofslewe geworstel. Omdat hy God se vryspaak en vergifnis verkeerd verstaan het, het

hy net vasgekyk teen die "Regverdige God wat sondes straf. So skryf hy : " I did not love, yes, I hated the righteous God who punishes sinners, and secretly, if not blasphemously, certainly murmuring greatly, I was angry with God, and said, "As if, indeed, it is not enough, that miserable sinners, eternally lost through original sin, are crushed by every kind of calamity by the law of the Decalogue, without having God add pain to pain by the gospel and also by the gospel threatening us with his righteousness and wrath!" Thus I raged with a fierce and troubled conscience."

Deur sy studie van die boek Romeine het die Here Martin Luther die waarheid laat ontdek naamlik dat jy nie die vergifnis van God kan verdien nie, maar dat God jou sy vryspaak skenk deur ware geloof!

Met hierdie nuwe verstaan van die evangelie skryf Luther: "Here I felt that I was altogether born again and had entered paradise itself through open gates. There a totally other face of the entire Scripture showed itself to me".

Die wete dat God jou vryspreek omdat Jesus Christus vir jou sonde betaal het en dat God jou daaraan laat deel met ware geloof, is die beste nuus wat enige mens kan hoor! Mag hierdie nuus jou vanmore opnuut met blydskap deur die oop hekke van God se genade laat stap!

Lofsang met die oog op die erediens

Lied 428:1, 2, 4 en Lied 514: 1, 2

Ontmoetingsdiens

Intreelied Sb 14-4: 1, 2, 3, 4; Votum; Seën;

Loflied Sb 2-4: 1, 3; Geloofsbelijdenis:
NGB art 22

Verootmoedigingsdiens

Wetlesing:Eks 20; Sing Ps 34-1: 8, 9 (Tweede mel); Gebed

Woorddiens

Skriflesing; Woordverkondiging;

Antwoorddiens

Gebed; Liefdegawes; Gebed vir Bediening na Buite - Kinderfees; Sing Sb 5-4: 1, 2, 3, 5, 6; Seën; Amenlied Sb13-2.

AANDDIENS: Ds. Piet

Skrifgedeelte: Rom 7:7 – 25 en Rom 8: 1 – 12

Belydenis: Heidelbergse Kategismus:Sondag 44 vr. en antw 114 en 115

Tema: Wat maak ek met my mislukkings en wat maak God daarmee?

Daar is by baie mense die idee dat gelowige mense 'n volmaakte lewe behoort te hê. Baie kerke en predikers teken ook die lewe van gelowiges as 'n lewe van sukses, voorspoed en geluk! Mislukkings en onvolmaaktheid is 'n teken dat jy nog nie ware geloof het nie en dat jy eintlik nog iets kortkom! Hierdie valse prentjie van geloof maak mense mismoedig en laat hulle alle hoop verloor! Hulle reken dat hulle nooit goed genoeg sal wees nie!

Die werklikheid word egter deur vraag en antwoord 114 geteken met die vraag: "Maar kan die wat tot God bekeer is, hierdie gebooie volmaak gehoorsaam?" en dan kom die antwoord: "Nee, want selfs die allerheiligstes het, solank hulle in hierdie lewe is, nog maar 'n geringe (klein) begin van hierdie gehoorsaamheid".

Die vraag is dan: wat maak ek met my mislukkings en wat maak God daarmee? Die antwoord is evangelieself vir moedelose mense!

Ontmoetingsdiens

Intreelied: Ps 24-1: 1, 2, 3; Votum; Seën;

Lofpsalm: Ps 103-2: 1, 3, 4, 5; Gebed

Woorddiens

Skriflesing; Sing: Ps 61-1: 1, 2; Woordverkondiging

Antwoorddiens

Gebed; Liefdegawes; Sing: Ps 38-1: 5, 8, 13, 14, 17; Wegstuurseën; Amen Sb13-3.

MEELEWING

- Dawie v Zyl (Groep 38 - 082 774 7936) was in Medikliniek opgeneem met virusinfeksies.
- Annemie Kruger (Groep 8 - 082 331 7006) se moeder is op die rype ouderdom van 87 jaar in Gobabis oorlede. Ons bid haar en die familie die Here se troos toe.
- Oom Grobbie Grobler (Groep 41 - 073 258 7833) ervaar tans swak gesondheid en sterk huis aan.

Ons bid dat die Here spoedig beterskap, herstel en troos sal gee.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Janet vd Walt, Hester Buys, Anna Scholtz, Isak vd Walt, Tjaart Snyman, Andy en Blossom Pretorius en Koos en Marlene Jooste.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir: siekles@oosdoppers.co.za of Hannelie du Plessis (072 827 4744)

11 VAKANTE OUDERLINGGROEPE

Die volgende groepe is vakant en vertrou ons dat die Here spoedig gawes sal gee om die groepe te kan bedien: 2, 4, 13, 16, 17, 22, 23, 27, 28, 39, 45. Indien jy nie seker is in watter groep jy val nie, kontak vir Adele by die kerkkantoor.

NAME VIR GOEDKEURING DEUR DIE GEMEENTE VIR DIE DIENSWERK VAN OUDERLING:

Die volgende name word ter approbasie aan die gemeente voorgehou:

Brs. Chris de Bruyn, Pieter Geyer, Hugo Huisman, Frans Kruger, Bobby Leach, Orrie Oosthuizen, Ben Steyn, Johannes van As, Willie van der Walt, Hanno van Schaik en Jasper Venter.

ONS GROET VIR:

Hannes en Susan Vorster wat met attestaat vertrek na GK Potchefstroom.

PROGRAM VAN DIE WEEK

Vandag

09:15 Gebedsgroep
09:30 Oggenddiens
 Geen Kleuterbediening
 Geen Katkisasie
 Tee en Koffie
18:00 Aanddiens

Maandag - Vrydag

06:30 - 13:00 Kinderfees

REFORMASIE 500 FEES POTCHEFSTROOM

Op Sondag, 22 Okt, om 17:00 kom al die kerke van gereformeerde oorsprong saam vir die 500ste herdenking van die Reformasie/Hervorming van 1517. Ons wil as gemeente die fees bywoon en die reëlings is as volg:

Plek: Amfiteater van die NWU Potchefstroom

kampus

Program

16:45 Samesang
17:00 Verwelkoming
17:15 Massakoor optrede
17:35 Carel Trichardt en Petru Wessels bied aan: Martin Luther – hier staan ek!

18:15 Massakoor

18:20 Prof Fika Janse van Rensburg –
 Feesboodskap
 Samesang

19:00 Afsluiting

Daar sal ook 'n vrywillige kollekte die aand met die fees opgeneem word. Die gelde sal aangewend word om die koste van die geleentheid te dek en alle fondse wat oorblý sal

aan die SA Bybelgenootskap oorgedra word ten bate van Bybelverspreiding. Die geleentheid word gereël deur die Tussenkerklike Raad van die Geref Kerke, NG Kerke en NH Kerke. Hierdie geleentheid vervang dan die jaarlikse gesamentlike Hervormingsdiens by Cachet. Op Sondagaand, 29 Okt, sal daar 'n normale aanddiens by Potch-Oos gehou word.

BYBELLOOP VIR BYBELVERSPREIDING OP HERVORMINGSONDAG, 29 OKT. 2017

Ons gesamentlike Bybelloop vir Bybelverspreiding saam met ons bure oorkant Paryslaan nl die Herv Kerk Grimbeekpark en die NG Kerk Grimbeekpark word verskuif vanaf 15 Okt na 29 Okt om 10:45. Besonderhede van die aksie sal later gegee word. Ons sien uit na die lekker gee-aksie saam met medegelowiges.

VERJAARSDAE

Baie geluk aan almal wat DV hierdie week verjaar!

Sondag, 1 Oktober

Br Edwin Opperman	078 936 5437
Sr Ansa Venter	072 248 5551

Maandag, 2 Oktober

Sr Marnè de Jager	082 976 6355
-------------------	--------------

Dinsdag, 3 Oktober

Br Fanie v Zyl (76)	072 141 8316
Jsr Anna-Belle Watson	

Woensdag, 4 Oktober

Sr Yda Vosser (94)	018 290 8286
--------------------	--------------

Donderdag, 5 Oktober

Jsr Maya Steenkamp	
--------------------	--

Saterdag, 7 Oktober

Sr Carien Dreyer (83)	072 520 8963
Sr Annemie Kruger	082 331 7006

AFKONDIGINGS

- Liefdegawe vanoggend vir Barmhartigheid (Zapper betaalmetode beskikbaar)
- Gawe by die deure vanoggend vir die Thusofonds.

- Gawes volgende Sondag vir die SDDS (Kinderhuise).
- Vrywillige bydrae vir voertuigsekuriteit in die bussies by die deure.
- Diensbeurte: Groep 44.

KINDERFEES: 2-6 Oktober 2017



Baie dankie vir elke lidmaat wat bydraes en hulp in enige vorm gelewer het om hierdie week te kan aanbied.

Ons vra almal se voorbidding dat ons bediening aan die kinders goed kan verloop en om te verseker dat hulle goed toegerus hier weggaan. Bid vir al die volwassenes en die belydenisklas wat in onbekende waters vaar om hierdie bediening aan te bied.

ONS GESIN AS DISSIPELS VAN JESUS

Ons nooi alle ouers en ander volwassenes uit na 'n kursus in hernuwing van jou dissipelskap. Deel van die kursus sluit ook in hoe ouers hulle kinders kan lei om dissipels van Jesus te wees.

Aanbieder: Ds Johannes Aucamp van Pretoria

Datums: 23 - 26 Oktober

Tyd: 19:00 - 21:00

Plek: Rocherstraat 75, Kerkzaal Gereformeerde Kerk Potchefstroom-Oos.

Koste: Gratis

Bespreek by: Adele Delport. Tel: 018 2907690 (tot 13:00) of stuur 'n epos na kerkkantoor@oosdoppers.co.za.

ALMAL IS BAAIE WELKOM!

KERKLIKE TYDSKRIFTE

Beskikbaar in die kerkkantoor vir almal wat daarop ingeteken is.

NUUS VANAF DIE DIAKONIE

Die diakonie se finansies bly onder groot druk. Die barmhartigheidsfond is baie laag as gevolg van die groot lading wat die diakonie het om nodige hulp aan noodgevalle te gee. As gevolg van ekonomiese omstandighede word die mense wat hulp nodig het, al hoe meer. Ons probeer huidig om vir gesinne in nood 'n sak

groente per maand te gee, indien daar 'n lidmaat/lidmate is wat dit wil borg @ R500 per maand, kontak asb vir Carina Coetsee (078 011 2050). Enige ander bydraes om die diakonie se "sak" aan te vul sal waardeer word.

LAERSKOOOLJEUG UITSTAPPIE

Ons beplan om vir die laerskooljeug en hulle ouers 'n lekker wegbreak te reël. Hou solank **Saterdag, 14 Oktober**, oop op julle gesin se kalender! Ons sien uit daarna!

WAT IS HARTKLOP?

Hartklop is n dienswerk by Aardklop wat deur Gereformeerde jeug geïnisieer en gereël word met die doel om mense te dien. Om onvoorwaardelik te gee. Ons deel koffie of water uit aan alle mense wat dit nodig het en ons bedien ook die werkers tydens Aardklop. Die doel is om ander mense te leer dat om te gee is beter as om te ontvang. Wie weet, dalk ontvang jy meer daar uit...

Skryf in by: g5studente@gmail.com, R200 inskrywingsfooi of kontak GK Bult 018 297 4843.

DIE KUIERKOMBUIS – Aardklop

3-7 Oktober 2017

'n Gesamentlike projek deur, Gereformeerde Kerk Potchefstroom-Die Bult en Potchefstroom Dienssentrum vir Bejaardes

Ontbyt 08:00-11:30

Gekookte middagetes 11:30-14:30

Aandetes 17:00-20:30

Koffiestoep met varsgebak, Koue drinkgoed, Kunsuitstalling

Adres: h/v Molen-en Borcherdstraat, Die Bult, Parkering een blok vanaf feesgronde

KENNISGEWINGBORD

- Advertensie: JD's Nasorg
- Cantabile: Music from the Movies - 27 Oktober
- Vleis te koop teen goeie prys: Mariska v Greuning

BEROEPE NUUS

Op sy vergadering van 12 September 2017 het klassis Krokodilrivier met deputate vanweë streeksinode Bosveld vir br GA Venter (Regardt) beroepbaar gestel.

KENNISGEWING AAN GKSA KERKVERBAND

U word hiermee in kennis gestel dat Klassis Etosha, tydens sy 53ste sitting op 8 Sept. 2017 te Gereformeerde Kerk Okahandja, kennis geneem het dat die gereformeerde kerke te Aranos, Biermanskool, Khomas-Hochland, Outjo en Namib-Kus nie meer saam met Klassis Waterberg vergader nie en ook nie meer deel vorm van die GKSA nie.

Ons bid hulle die seën van ons Hemelse Vader toe met hul bedieningswerk.

Oudl Jan Kruger (Deputaat Korrespondensie - Klassis Etosha)

GEMEENTELIKE HERWINNINGSWERK

Gebruik ons herwinningshok vir: Papier, plastiek, karton, glas, blikkies en polystyrene. *Dit moet nie gesorteer te wees nie, herwinningsitems moet wel in plastieksakke toegebind wees. ASB GEEN huisafval nie!* Die glas/blikkies/plastiek moet asb uitgespoel wees en nie vuil ingegooi word nie.

Voorstelle vir 'n lekker naam vir hierdie herwinningsprojek.

"Raap, Skraap en Red" = Yda Vosser

"Raap en Red", kortweg R&R = Rina Seyffert

"WOW" projek - Wen ons wêreld = Shantell Andersen

Ashoop rykdom = Harriet van der Walt

Swartsak Rande = Harriet van der Walt

Iets uit niets = Harriet van der Walt

Iets verniet = Harriet van der Walt

Herwin Dollars = Harriet van der Walt

KENNISGEWING VANAF DIE DIAKONIE:

LIEFDEGAWES VIR BARMHARTIGHEID DEUR SELFOON TOEPASSING:

ZAPPER



Hierdie QR simboolkode is gekoppel aan die Diakonie se rekening en **slegs bydraes vir Barmhartigheid** kan daar mee gemaak word - geen ander betalings aan die Diakonie of kerkraad nie.

SOSIALE MEDIA VIR ONS GEMEENTE

Webblad: www.oosdoppers.co.za

Facebook: www.facebook.com/oosdoppers

Beeldmateriaal van preke kan hier gesien word:

<http://ow.ly/ivfZ309vsdc>. Ds Piet stuur weekliks sy preke per e-pos uit. Laat weet hulle indien jy dit wil ontvang.



Ons wil ook graag 'n vriendelike versoek rig dat u nie op die gemeente se elektroniese sms-stelsel terug antwoord nie, maar asseblief die kerkkantoor bel of 'n e-pos stuur, aangesien dit 'n rekenaar-sms is.

KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt - 082 851 3637

Prof. Herrie v Rooy - 083 700 3933

Kerkkantoor: Adele 018 290 7690

Kosterspaar: Johan 061 336 7255

Elsa 073 959 8051



SUSTERS IN DIE GELOOF

"DIE VREUGDE VAN 'n LEWENDE GELOOF"

TEESKINKGELEENTHEID



© iStock Photo

Tee word **vandag** onder die leiding van Maria Pretorius (Groep 2), Johanna Venter (Groep 3) en Anrie vd Schyff (Groep 4) bedien.

Volgende week skink Sonette Turkstra (Groep 5), Karin Kruger (Groep 6) en Riana Heystek (Groep 7) tee. *Baie dankie julle!*

- *Baie dankie aan die groepsusters en hulle groepe se susters en broers wat met die skink en opwas help!*
- *Ons moedig susters en broers aan om met die skink en opwas te kom help – so leer ons mekaar en ons nuwe groepe beter ken!*

SUSTERSBYDRAE



Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsamelings-geleenthede geïn word. Hierdie geld word gebruik om na minderbevoordele geselskappe uit te reik en daar word jaarliks aan verskillende verdienstelike instansies, donasies gegee.



BLIKKIES-WARMHARTE

Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooi en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. ***Die blikkies se kleingeld het dit moontlik gemaak vir die susters om in 2016 vir 29 persone 'n blomme-bederf of iets anders te gee. Baie dankie vir julle getroue bydra!***

MELKFONDS



Ons gemeente is bevoorreg om elke Sondag 'n heerlike koppie melkkoffie of tee na die erediens te geniet. Ons herinner graag alle lidmate aan ons melkfondshouers by die bedieningspunte. Hierdie melkfonds word gebruik om huis in hierdie voorreg te voorsien. Graag vra ons vir enige donasies wanneer daar weer heerlik rondom 'n koppie koffie of tee gekuier word. Die donasies kan in die houers geplaas word en so verseker ons ook elke week se lekker saamkuier na die erediens.

BANKBESONDERHEDE VIR SUSTERS SE INBETALINGS



Susters, let daarop dat die Susters 'n aparte bankrekening het vir al hul bydraes, nagmaletes se inbetalings, ens. Die rekeningbesonderhede is:

Potchefstroom-Oos Susters, Capitec Bank, Tjekrekening: 145 652 5695, Takkode: 470 010

BORG VAN DIE WEEK

VIVIERS INGELYF PROKUREURS

Skakel Pierre Viviers vir die volgende regsdienste:

<ul style="list-style-type: none">* Opstel van testamente* Boedel- en aftreebeplanning* Bereddering van bestorwe boedels* Stigting van trusts* Registrasie van onroerende eiendom* Siviele litigasie – Hoë- en Landdroshof* Skuldinvorderings* Huweliksvoorwaardeskantakte* Lugvaartregsdiens* Lugvaartversekerings – FSP nommer 43890	<p>Eerstevloer Octronegebou James Morokalaan 62 Potchefstroom (018) 297-5201 k/u pierre@viviersattorneys.co.za</p>
---	--



OOSDOPPERTJIES

Jes. 43:1b "Ek het jou op jou naam geroep,
jy is myne."

NUUS UIT DIE BYBELKOERANT

WAARSÊER SE DONKIE PRAAT MET HOM

AR-MOAB. - Dit is nou amptelik: Bileam seun van Beor, die waarsêer van Petor, se donkie kan praat! So berig twee van Bileam se amptenare wat hom op sy reis na Moab vergesel het.

Bileam is deur die Moabitiese koning Balak seun van Sippor gehuur om die Israeliete te vervloek. Die Israeliete kamp tans in die Moabsvlakte teenoor Jerigo, en Balak wil van hulle ontslae raak. Bileam het aanvanklik geweier om aan Balak se versoek gehoor te gee, maar toe 'n tweede afvaardiging met beloftes van groter betaling weer by Bileam pleit, het hy saamgegaan.

Op pad na Moab het Bileam se donkie egter van die pad geloop en die veld ingedraai. Drie maal het hy sy donkie geslaan in 'n poging om die dier weer op die pad te kry. Dis toe dat die donkie met sy baas praat en vra: "Wat het ek jou aangedoen dat jy my nou al drie keer geslaan het?"

Om alles te kroon, het Bileam in 'n argument met die donkie betrokke geraak en uiteindelik die eens stomme dier om verskoning gevra!

Met 'n waarsêer van Bileam se statuur soek 'n mens natuurlik nie skoor nie en jy bevraagteken ook nie sy verduidelikings nie. As hy sê 'n engel het sy donkie voorgekeer en laat praat, stry jy nie. Maar jy mag wonder of die heuningbier nie dalk die praatwerk gedoen het nie ...



Lees meer van Balak se mislukte plan om van die Israeliete ontslae te raak in Num. 22 en 23.